



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Iustitia fidei & iustitia operum, an sit vna iustitia. tit. 147

urn:nbn:de:hbz:466:1-29452

vt mortificemus, Ephē. 4. Coloss. 3. 2. Cor. 4. id est, vt non sequamur illius voluntatem &c. si illi obedimus, moriemur. Rom 8 Si secundum carnem vivitis, moriemini, Gala. 3. Tales regnum Dei non possidebunt, &c. 1. Cor. 9. dicit Apostolus: Castigo corpus meum, & in servitutem redigo, ne, cum alijs praececauerim, ipse reprobus efficiar, &c. At tunc reprobum hominem mortificamus, quando carnis superbiam, luxuriam, avaritiam, iram, invidiam, coarctamus, quando non desideria carnis perficimus, Romanor. sexto, quando luxuriam per castitatem, iram per benignitatem, avaritiā elemosynarum largitate, &c. coarctamus.

Tertiō, homo novus, nova creatura, homo spiritalis, homo internus, filius Dei, quæ omnia idem significant. Est autem homo novus, homo qui baptizatus, & in baptismo spiritu sancto perfusus est, atque ab illo sanctificatus, in quo alios motus & novos operatur, id est, dilectionem, patientiam, gaudium, castitatem, Gal. quinto. Fructus spiritus sunt, caritas, gaudium, pax, castitas, benignitas, fides, &c. Illas virtutes & motus non habet homo à natura, sed idē datur & infunditur spiritus sanctus in baptismo, vt hos motus operetur in nobis atque fructus, quatenus his expellamus carnales & contrarios motus, id est, superbiam, luxuriam, &c.

Ideo spiritus sanctus regenerat & innovat nos, ad Ti 3. in lauacro baptismi, vbi regeneramur & accipimus spiritum sanctum, vt sit innovator, id est, qui ex veteri homine novum faciat, novos motus creat in corde hominis baptizati, &c.

*IUSTITIA FIDEI ET IUSTITIA
operum, an sit vna iustitia.*

TITVLVS CXLVII.

Notia.

Notandum primò, Quid sit iustitia fidei: subindè, quid iustitia operum. Iustitia fidei est, credere in Christum, quod mortuus sit pro peccatis nostris, & resurrexit, ut propter eum iustificemur, id est, Deus remittat peccata, quod est precium redemptionis & causa iustificationis, id est, quod propter illum & non propter opera nostra accipimus per fidem, remissionem & salutem, Hoc qui credit, hæc fides imputatur nobis à Deo pro iustitia, & iusti sumus coram eo, & non propter opera legis, sicut putant Iudæi. De hac iustitia fidei loquitur Paulus Rom. 4. Credenti in eum, qui iustificat, fides reputatur illi ad iustitiã, sicut Abraham Gen. 15. Rom. 1. Non erubescio Euangelium: virtus enim, id est, iustitia Dei, id est, propter quam Deus vult misereri, & dare salutem, reuelatur in illo, credere in Christum. Ioan. 3. Sic Deus dilexit mundum &c. fidem in Christum, vult Deus imputare pro iustitia. Sed Iudæi contendunt, quod propter opera & iustitia legis Deus vult reputare iustum, & remittere peccata, &c. Hæc iustitia fidei in corde consistit. Rom. 10. Corde creditur ad iustitiam.

Iustitia operum, ex operibus & bona vita, id est, obseruantia præceptorum venit, de qua Paulus Tit. secundo. Sobriè & iustè & piè viuamus in hoc seculo. Hæc iustitia obedientiam legis diuinæ completur. Ideo Paulus legem statuit post fidem, Roman. 7. Ad hanc iustitiam legis pertinent omnia opera, cæremonia, traditiones, disciplina, &c. & maximè etiam exigitur ad salutem, & possessio regni per eam, ut medium confertur ex gratia, Matth. 25. Venite & possidete &c. retinent quoque priorem iustitiam fidei, ne amittatur.

Secundò, quauis vtraque iustitia sit necessaria, quæque in fine suo ad salutem, nobilior tamen & certior est fidei, quàm operum, sicut ad Philipp. 3. dicit, quod fuerit

fuerit sine querela in iustitia operum & legis, sed abijcit vt stercora, quatenus habet iustitiam, quæ ex de Iesu Christi est, sine iustitia fidei, legis nulla est. Si ex operibus legis non iustificatur omnis caro, &c. licet non iustificet, id est, causa sit, propter quâ Deus iustificet & saluet, sed Christus, at tamē necessaria est, quod sine illa prior non retinetur. Romanor. 8. Si secundum carnem vixeritis, &c. subindè etiam habet sua præmia in hac & post hanc vitam, 1. Corinthior. 13. & 15.

Tertio, hanc iustitiam fidei, dicunt sectæ, quod non nouit Ecclesia Romana. Item quod nullam aliam iustitiam doceat præter legis, hac esse iustum hominē, hac mereri remissionem peccatorum, hac satisfacere perfectè legi Dei &c. quæ omnia sunt falsa & mendacia. Omnis qui credit in Christum, sicut omnis à baptismo & puero credimus & vouemus, hic habet iustitiam fidei, & primò & ante omnia opera. Hæc est fundamentum, id est, fides in Christum, & super hoc quisque struit, hic argentum, iste aurum, ille stipulæ, fœnum, lignum, 1. Cor. 3. id est, opera, & iuxta illa reddet cuique Deus, Mat. 16.

Quartò, Ecclesia docuit semper nos gratia, id est, misericordia Dei propter Christum iustificari, & gratia Dei esse iustos, & id quod sumus, sicut Paulus 1. Cor. 15. dicit, gratiæ Dei id esse, Acto. 15. Sed Poëtica Theologica hoc, quod Ecclesia tribuit gratiæ, hoc inquam ipsa fidei soli tribuit. At cū misericordia Dei, passio Christi, non sit fides mea, sed fides vt medium apprehendit illa, ideo rectiùs docet Ecclesia.

DE TRIBUS QVÆSTIONIBUS PAULI.

TITVLVS CXLVIII.

Tres